

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj : KZ 26/19 Lot 2**

Sarajevo, 17.06 .2019. godine

Na osnovu člana 64. stav 1. tačka b., člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj: KZ 26/19 Lot 2 od 10.06.2019. godine, u postupku javne nabavke br. KZ 26/19 Lot2, donosi se:

**ODLUKA**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj KZ 26/19 Lot 2 od 10.06.2019. godine i ugovor za javnu nabavku usluga: „**Opravka vozila Mercedes**“ – tender broj KZ 26/19 Lot 2 dodjeljuje se ponuđaču : „**KAM i BUS**“ d.o.o. Doboj Jug, ponuda broj: 4/19 od 07.05.2019. godine, za ponuđenu cijenu od **3.751,80 KM** bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču: „**KAM i BUS**“ d.o.o. **Doboj Jug** po proteku do 10 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja a dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : KZ 26/19 od 05.04.2019. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi: 6.000,00 KM.

Obavještenje o nabavci broj: 247-7-2-29-3-116/19 poslato je na objavljivanje na Portal javnih nabavki dana 10.04.2019. godine.

Komisija za javnu nabavku imenovana je Rješenjem br. 21-01-01/19 od 21.01.2019. godine, Odlukom o izmjeni Rješenja o imenovanju komisije za javne nabavke broj 02-04/19 od 02.04.2019. godine, i dopunskim Rješenjem članova komisije br. KZ 26/19-1 od 05.04.2019. godine.

Komisija za javnu nabavku dostavila je dana 12.06.2019. godine, Preporuku o izboru najpovoljnijeg ponuđača broj KZ 26/19 lot 2 u postupku javne nabavke usluga: „KAM i BUS“ d.o.o. Doboj Jug, – tender broj KZ 26/19 Lot 2

Komisija za javnu nabavku je sačinila odgovarajuće zapisnike u kojima je utvrđeno sljedeće :

- Da je ukupan broj pristiglih ponuda : 2 (dvije) ponude – „KAM i BUS“ d.o.o. Doboj Jug i „Star line“d.o.o. Sarajevo
- Da su blagovremeno zaprimljene : 2 (dvije) ponude – „KAM i BUS“ d.o.o. Doboj Jug i „Star line“d.o.o. Sarajevo
- Da dostavljene ponude ponuđača „KAM i BUS“ d.o.o. Doboj Jug i „Star line“d.o.o. Sarajevo ispunjavaju zahtjevane tenderske uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće :

R. br.	Zahtjevana kvalifikaciona dokumentacija	Ponudači	
		„Star Line“doo Vogošća	„KAM I BUS“ d.o.o. Doboj Jug
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3.	DA	DA
2.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA	DA

Komisija konstatuje da ponuđači „Star Line“doo Vogošća i „KAM I BUS“ d.o.o. Doboj Jug ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudāči	
		„Star Line“doo Vogošća	„KAM I BUS“ d.o.o. Doboj Jug
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA	DA
2.	<b>Tačka: 16. TD pod 1:</b> Obrazac za ponudu – Aneks II; Prilog 1.	DA	DA
2.1	<b>Tačka: 16. TD pod 1.1.:</b> Popis dokumenata uz ponudu koji čini sadržaj ponude – Aneks II; Prilog 1	DA	DA
3.	<b>Tačka: 20 TD:</b> Obrazac za cijenu ponude – Aneks III; Prilog 2	Izvršene ispravke koje nisu u skladu sa zahtjevima iz TD.	DA
4.	<b>Tačka 31 i 36 TD:</b> Nacrt okvirnog sporazuma – Prilog 6.	DA	DA
5.	<b>Tačka: 31 i 37 TD:</b> Nacrt ugovora o javnoj nabavci – Prilog 7.	DA	DA
7.	<b>Tačka: 43 TD:</b> Povjerljive informacije – Prilog 5.	DA	DA

Pregledom ponude ponuđača „Star Line“doo Vogošća, konstatovano je da je isti u dostavljenom Obrascu za cijenu ponude – Aneks III; Prilog 2, izvršio ispravku koja nije u skladu sa zahtjevima iz tačke 17.1.5. tenderske dokumentacije „Ispravke ponude“.

Ispravke su rađene na slijedećim stranicama ponude:

-strana 19., u koloni 13. - „Konačna ukupna vrijednost u KM bez PDV-a“, za stavke: 3.) MB Tečnost za hlađenje bacva i 7.) MB ulje 10W-40 228,51 i

-strana 20., u koloni 13 - „Konačna ukupna vrijednost u KM bez PDV-a“, za stavku 12.) Šelna

na način da je korektorom prekriven raniji iznos, a preko toga upisan novi iznos ponude, potvrđen pečatom i potpisom .

Komisija konstatuje da izvršene ispravke nisu urađene na zahtijevani način odnosno da ponuđač prilikom vršenja ispravki nije postupio u skladu sa postavljenim zahtjevima iz 17.1.5. tenderske dokumentacije „Ispravke u ponudi“, koja jasno i precizno određuje način vršenja ispravki i to : „*Ukoliko ponuđači vrše ispravke u ponudi, iste moraju biti urađene na način da su vidljive (ispravljeni podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).*

**Napomena:** Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.“

Obzirom da ispravke nisu urađena u skladu sa zahtjevima iz tenderske dokumentacije, to se ponuda ponuđača „Star Line“ doo Vogošća odbacuje kao neprihvatljiva a sve u skladu sa članom 68. stav (4) pod i) ZJN , te ista neće biti predmet daljeg razmatranja.

Komisija konstatuje da je ponuđač „KAM I BUS“ d.o.o. Doboj Jug dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponuđač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom specifikacije ponude ponuđača „KAM I BUS“ d.o.o. Doboj Jug konstatovano je da nema grešaka računске prirode.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda, to se u skladu sa članom 3. stav (3) Pravilnika o uslovima i načinu korištenja e-aukcije („Sl. glasnik BiH“, broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Za najpovoljniju ponudu ocjenjena je ponuda ponuđača „KAM I BUS“ d.o.o. Doboj Jug. Vrijednost ponude ponuđača „KAM I BUS“ d.o.o. Doboj Jug iznosi **3.751,80 KM bez PDV-a.**

Iz gore navedenih razloga, primjenom člana 64. stav 1. tačka b. ZJN , donesena je Odluka o izboru najpovoljnijeg ponuđača kao u članu 1. ove odluke.

#### **Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti :  
- Ponuđačima  
- a/a

5-  
H  
Mladici



**Direktor**

*Azra Muzur*  
Azra Muzur, dipl.inž.građ.